

٢٩٧٧٦٩٢  
تأليف الأستاذ  
د. محمد عبد الحليم  
٢٩٧٧٦٩٢  
لحظة غرق

إلى الأستاذ الدكتور  
الأديب الناقد

شعر الأستاذ للجميع

د. رمضان الحضري

مع فائق قحطاني

شعبان عبدالعزيز

٢٠٠٦

شعبان  
عبد العزيز

## إشراقة

٣

سلسلة أدبية  
تصدر شهرية

رئيس مجلس الإدارة ورئيس  
التحرير

محمود احمد على

مدير التحرير

السيد زكريا

هيئة التحرير

إبراهيم مصطفى

شعبان عبد العزيز

المراسلات

الشرقية فافوس بجوار ستديو

حميدو بجوار باتا

٠١٠٣٠٩٩٦٣٨

## لماذا إشراقة؟!

إشراقة سلسلة أدبية جديدة من  
اجل أدباء حقيقيين لم تنصفهم  
الأضواء قابعين في أقاليم  
المحافظات ومن اجل كسر  
حاجز النشر في الهيئات  
الحكومية...

وها هو العدد الثالث يصدر  
بعون الله تعالى في تحد صارخ  
يسابق الرياح

## إشراقة

---

## إهداء

إلى عيني  
أمعن في صفائهما  
فأكسر حاجز المعقول بالقول  
ويصدق صوت أوردتي  
يباغتنى  
يواعدنى  
بأن يحتل أشرعتى  
إلى اللقيا  
أو المنفى  
إلى وطنى  
الذى مازال يهوانى

شعبان عبد العزيز

---

## نادى السلاح

نادى السلاح  
على جندي واقف ينتظر  
لحظة كفاف  
وقت العبور المنـتظر  
هتف السلاح قوم يا بطل  
لا نهـاب عـواصف لا مطر  
لا تقولي طيارة عدو  
راكبه الغرور ما لهوش خطر  
وبانيلي خطه على القنال  
يتباهى وسط المؤتمر  
بارليف دا كان فعلا منيع  
وبعز منا باد وانحسر  
والجندي ثابت ف الميدان  
مهما يخيبـله القدر  
شايل سلاحه والرصاص  
نازل عليه زي المطر  
وسلام سلاح دا للشهيد  
رمز الفدا يوم ما عبر

---

ضحى بحياته للوطن  
وكتب بإيده أجمل عبر  
وكتبنا له قصة كفاح  
وأعظم ملاحم للبشر  
ترويله أحداث انتصار  
تحكى ف مجد اللي عبر  
وسط المدافع والحصار  
قات ف الحديد والعزم نار  
يصرع قتيل يضرب صاروخ  
والروح تهون تفدى الصغار  
وف أرض سينا ملعبه  
يسقي اليهود من بحر مر  
بين الدشم ذى الاسد  
عزمه شديد وإيمانه سر  
يقتل ويأسر كام عدو  
حتى الشيطان (من خوفه فر)  
ومهما كان حجم الخطر  
حالف بانه ح ينتصر  
لو عاش سعيد لو مات شهيد  
بإيمانه عمره ما ينكسر  
يهدى الوطن أغلى التمن  
وسط العـــــــدى

---

زي القنابل ينفجر  
وسط الخنادق كالأسد  
والعين بترصد كام خطر  
جايين نحرر أرضنا  
م اللي بعهد الله غدر  
نرفع مآذن ف السما  
نهتف نكبر بانتصار  
ياسينا غنى وكبرى  
جايلك عريسك يفتخر  
والنصر جايبه شبكتك  
أو حنتك  
دم الشهيد اللي إنتصر  
نادى السلاح واسمع نداه  
دا معد شي ليل من غير قمر

---

## الحب التانى

بعد ما عدى الحب الأول  
قلنا خلاص نعقل ونتوب  
ننسى جراحنا ونشغل روحنا  
ونرضى يا قلبي بالمكتوب  
إيه كان خدنا من ورا حبك  
غير النار وكلام بيدوب  
بس أزاى نقدر ننساه  
وأزاى قلبي بيات مغلوب  
وأزاى نقدر ننسى هواه  
ولا مصير الشمس غروب  
واوعى يا قلبي تغالط نفسك  
برضه يا قلبي دا كان محبوب  
كان بيقولك أحلى كلام  
وكان الشهد سطور مكتوب  
لكن كله دا ولى وراح  
زي نسيم الصيف مغلوب  
راح وترك للقلب جراح  
ما بتقدرش عليها قلوب  
لازم تنسى يا قلبي الجرح

---

لازم تلقى ف يوم محبوب  
ويكون حبه الحب التانى  
وينسينا عذاب مكتوب

---

## فات أوانك

إنّتي تاني  
إنّتي تاني رغم إن العمر فاتك  
لسه فاكرة إنك هتحيي ذكرياتك  
ولا توك ما أفكرتي  
ما أفكرش انك ندمتي  
كل إحساس ليكي عشته  
يوم وداعك جيت دفنته  
عايز أقولك كلمة واحدة  
بس نفسي تبقى جاره  
دمعه سارحه  
من عينيه مش عشائك  
يوم رجوعك فات أوانك  
\*\*\*\*\*

إنّتي تاني  
ليه خرجتي من سكاتك  
مين دعاكي من مماتك  
ليه ف لحظة  
خونتي قلبي  
بالرخص ليه بعتي حبي  
بعتي عمري

---

بعتي أغلى الغالى عندك  
نفسى مره  
نفسى مره تبقى صادقاه ويا نفسك  
مين هواك  
مين حبيبك  
مين أواك  
مين حماكى من وحوش الخوف في حضنه  
مدى ايدك  
مدى ايدك يلا شاورى ع الحقيقه  
واحفظيها  
وأكتمليها بين ضلوعك  
وأوعى تفتكري انى  
ح انــــــدم  
دا انتى أرخص م ف خيالى  
دا انتى ذكرى لماضي جالى  
وف منامي قمت أهده  
يالاً نبني  
يالاً على سور ما بينا  
أنسى حبك  
أنسى غدرك  
كل شىء يربطني بيكى  
حتى صورتك

---

حتى صورتك من خيالي  
ف يوم هاشيلها  
أوعى مره تبقى تيجى ف المنام  
هانسى أنسام  
لو عنيكى هتطاردني فى المنام  
هاطوى جرحى  
بين ضلوعي  
وأمحي كل سطور دموعي  
يمكن أنسى الجرح منك  
وأنسى كل الذكرى عندك

---

## هجرة

هجرة الهادي محمد  
نفثكرها ف أحلى عيد  
نشأة الدولة الفتية  
ف المدينة من جديد  
بدر كبرى وفتح مكة  
فجر للإسلام وليد  
فيه دروس بتمر بينا  
وإحنا منها ليه بعيد  
يوم ما كان للأمة كلمه  
أقوى من صلب الحديد  
لما أرض القدس كانت  
نبض في قلب العبيد  
لما كان للأمة قائد  
زى حد السيف شديد  
يحمى للأمة الكرامة  
عقبه فين يا بن الوليد  
والأنمة الراشدين  
ولا عثمان الشهيد  
ناس تنادى  
الشرع يحكم من جديد

دايما الإسلام في عزة  
واللى منا مستفيد  
اللى يرضى بشرع ربه  
يبقى ناصر للعبيد  
والتمسك بالامانه  
يبقى ملجأنا الوحيد  
ولحدود الشرع نسمع  
والسلام يصيح أكيد  
مش سلام البلطجيه  
كل مرة من جديد  
قالوا أسلو  
قلنا يمكن  
يرجع الأقصى الشهيد  
بس صنعتهم أمانى  
وعد آخر  
مش يفيد  
قلنا شرم الشيخ وقالوا  
بس نرجع من جد يد  
ننسى أسلو ويبقى لنا  
حق نحكم من بعيد  
أرضنا ها تضيع خيانة  
وف قلوبنا النار تقيد

أسلو  
الشهيد

---

قاموا أطفال الحجارة  
صحوا إحساسنا البليد  
فكرونا عمر عدى  
كل ماضينا المجيد  
تبقى ذكرى الهجرة لنا  
ضى عمر شموع تقيد  
نور ف وسط العتمة يسطع  
بشرى حلوه بعام سعيد

KKK

## أنصف من الصينى

كان يجرى أيه  
لو (يوم) نعيش من غير ذمم  
ولا الهمم من غير ذمم  
راح تنتحر  
أو تنفجر  
في العتمة صوت  
يصرخ ينادى ع السكوت  
إن الضمير راح ينعدم  
أو تنهدم كل القيم والمأثورات  
اللى ف خيالنا بتترسم  
كان يجرى أيه  
لو يوم نفتش فى العدم  
على حلم عمره بينهدم  
أو ذمة تايهه من السراب  
دى قلوبنا ف العتمة خراب  
ولا العذاب .  
مكتوب علينا فى كل يوم  
نلقى الهموم متجمعه  
ما بقتش شمعته مولعة  
تقدر تقيد ف الزوبعة

أو ليل من العتمة انكسر

يقدر يحل المشكلة

متشكلة .

كل المصاعب ضدنا

ما يقتش وإفقه ف صفنا

بقلوب نضيضة مصنفرة

بالفطرة جايه معطرة

كل الذمم

دلوقتي عايشه ف مسخرة

متحجرة

ما يقتش باينه م الصدى

رد القضا .

ارمي ضميرك ف الطريق

أو عيش على الفطرة بريء

يمكن تلاقى في يوم ذمم

أنصف من الصيني

وساعتها يوم

ما أمد لك إيدى تكون

واخذ على حمل الجميل

وف يومها من حقى تكون

سامع رنين صدقي

الحنون

---

ف خلافتنا نتحاكم ولا  
القاضى يكون بينا  
حكم

---

## معاني الصحبة

فيه ناس ع الحق ما تغلاش  
ودا عينه قاذرة وقويّه  
وف عز صراخي صوت متحاش  
وكأن الحق مش ليّه  
يا خلق العدل ما بقلناش  
وحتى حياتنا منسيّه  
سلاح الظلم ما بيلقاش  
غير اللي مالوش معاه دية  
يبيع أعرضنا يوم ببلاش  
ويوم بيادلها بهديّه  
يدوس على حلم ما بيهناش  
ف ليل العتمة يوم ليّه  
يا ناس ف حسابنا مغلطناش  
وكل صفحنا مقريّه  
نتوه ع الذنب ما بئلقاش  
ف عملنا ذلة منسيّه  
يموت الحق ولايلقاش  
من الأصحاب مواسيّه  
معاني الصحبة مجهلهاش  
غير اللي ضما يره منفيّة

---

## كديه

لا يا كديه  
مستحيل تقبل كرامتي  
إنك إنتى تضيعيني  
إنك إنتى تودعيني  
غصب عنى  
كنت بندم  
ع اللي فات من عمري قبلك  
كنت تايه  
كنت عايش وهم حبك  
لا وحبك كان بيغيرنى إنى أحبك  
رغم إنك .  
كل لحظه بتخدعنى  
كنت شايلك جوه عيني  
فين يا كديه كل كلمه قولتيهالى  
فين حنينك  
فين وجودي وفين زماني  
فين مكاني جوه قلبك  
ولا حبك  
كلمه ملهاش أي معنى  
يعنى ضعنا

مهما روحنا أو رجعنا  
والطريق ملهوش معالم  
بس لازم نفدى روحنا  
مهما زدنا من جروحنا  
زي ما إحنا  
كنا بنخاف من صباحنا  
يجى يوم يطلع علينا  
يقتل الفرحة ف عيننا  
ونلاقينا وسط موج يعلى علينا  
تتسرق منا السفينة  
ولا نغرق ف الأمانى  
والطريق يبكى علينا  
والدموع من قلبى تنزف  
بس مش ممكن راح أقبل  
إنك إنتى تضيعينى  
مهما كنتى ف لحظة هنتى  
وإنتهى كل اللي بيثا  
حتى لحظة ما تقابلنا  
هانسا هالك وأرميهالك  
جوه بير من ذكرياتك  
آه يا كدبه لو تيجينى مرة تانيه  
هاقفل الأبواب ف وشك

---

أو هاغشك وأبتسمك  
وأعمل الولهان بأمرك  
ولا أقولك  
أوعى تيجي مرة ثانيه  
أو عينيا تشوف ف ثانية  
طيفك انتي  
دننتي كدبه

---

## مستحيل

اللي فاضل ليكى منى  
كلمه مكتوبه بدموعي  
كلمه بتقول غصب عنى  
مستحيل هيكون رجوعي  
آه ... بحبك

بس حبك  
مات أسير عندك وظنك  
كان بيحلم ليكى إنك  
كل مخلوق يحكى عنك  
تبقى مولاتى الأميرة  
وأبقى فارس من جزيرة  
جاء أزور قصر الأميرة  
ألقى قصره سورى عالي  
وأنتى نجمه فى العلالى  
والشباب بالدور يغالى  
فى المهور وبكل غالى  
جاء ليكى لأجل ودك  
وبإشارة تجيبى عندك

---

شبه فارس من بلادك  
يقتل المأسوف شبايه  
دا اللي رده أو جوابه  
ميوافقش اللي ف خيالك  
قمت ناطت من قوبالك  
جوه سور القصر واقف  
كنت عارف  
إن دا هيثير فضولك  
وتناديني .. وتلاقيني  
لحظه واحده بقيت معاكى  
تسأليني ..... تشككيني  
تبعدينى عن جوابك  
بس أجابك عن سؤالك  
وأبطل الحجج الكثيره  
دي اللي بيها يا أميره  
كنتى فاكهه هتخدعيني  
كنتى فاكهه هتمنعيني  
إني أحبك .....

---

و اللي فاضل ليكى منى  
كلمه مكتوبه بدموعي  
كلمه بتقول غصب عنى  
مستحيل هيكون رجوعي

---

## القسمۃ مش عدله

رفعت السيف  
ف وش الزيف  
لاقيت الخوف  
معشش جوه أحلامي  
يأكد بعض أوهامي  
تغيب جوايا أيامي  
أغيب جواها وألقاني  
بعيش ف اللحظة ميت لحظه  
وأمد أديه وف لحظه  
تتوه السكة من عيني  
أتوه جواها وألقيني  
رجعت لأول السكة  
والاقي الحلم ع الدكه  
بيعرض نفسه للشاري  
ومين ف المحنه كان شاري  
يلم الخوف وأحزاني  
وميهموش حساب جارى  
ف بنك سويسرا أو لندن  
وأنا المنكوب وبتسلطن

كأن المحنه مش عندي  
ولا المصلوب هناك ولدى  
بيدفع دمه وحياته  
لحلف الكذب واخواته  
بيبع كل يوم مبعوث  
يعاود م الطريق مكبوس  
يجر النكبه والنكبه  
وسبحه ف إيدہ مش راكبه  
بيعمل فيها راعى الناس  
وصوت الحق ليه منداس  
ما يعلى ع العينين والراس  
غير اللي كلامه فيه إحساس  
بنبض القلب والشارع  
يجيب لأيدیه طول فارع  
أطول بيها اللي ما طلته  
من الأفكار وحولته  
لركن الذكرى ف دماغى  
وأرد الحق لصحابه  
وأغمض عيني وأنتسم  
عبير (الصبح) متقسم  
على التايهين في عز الليل  
ما بين مواويل عذاب أو ويل

---

تلاقى الصبر متقسّم  
وطول العمر متقسّم  
وفرح وحزن متقسّم  
ولو تقسم  
تلاقى القسمة مش عدله

---

## للصمت صوت

من وسط العتمة بينده ألف دليل  
ع الصبح التايه بين الليل والدهر  
وبصوت مش طالع رد الصبح  
وقال أنا جى  
وبعزم سكوتي ينادى الصمت  
يحرك كل حواس الحس  
فأحس  
ويهب الخوف يشتت... كل بنات أفكاري  
لو حاسس..... لو دارى  
بللي بيقفل حلمي ف دارى  
وأتارى  
الظلم بيكسر كل ميزان للعدل  
العدل اللي صبح كلمة  
نزين بيها سطور الرأي  
وأنا من وطن الغربة بنادى  
مين راح يظلم  
مين رح يعدل  
مين حيرجع أرض بلادي

مين حبيدد خو في لبكرة  
إني أعاود ألقى خراب  
ألقى الدمعة ف عين الدمعة  
وأنا من غضبي بنادي الجامعة  
تصرخ كلمة تشق الكون  
فين راح أكون  
لما الأرض يا خدها آتون  
أو مجنون  
يحلف إنها أرض أجداده  
عايز يزرع فيها الهيكل  
عايز يحكم منها العالم  
بس أنا لازم  
زي إخواني أدين أستنكر  
وأشجب كل محاولة قهر  
وأدعى المولى يا رب اديهم  
طول العمر حجارة ف أيديهم  
لأجل نحرر مسرى الهادي  
لأجل ما ترجع أرض بلادي  
بس يا رب يسمع صمتي  
نجم صلاح الدين الغادي

## لحظه غرق

لما تتوه العتمة  
ف نصاص الليالي السود  
وأتوه  
وينوه قدم  
حط الخطي  
وسط الطريق السرمدى  
نضرب حيطان الصمت  
بكفوف الغضب  
هو الأدب إن الطيور  
تبعد بعيد عن عشها  
ويضيع ف سرداب الزمن  
حق الوطن  
وأهل الوطن  
متبعين زى السراب  
ف طريق خراب  
حتى الرجوع المحتمل  
مل الأمل .  
مل الرجوع المنتظر  
لا يدين شباب

تحضن ف ليل العتمة  
سرداب الرجوع  
وسط الجموع اللي اندفن  
نومها في مشوار الزمن  
أصل التمن من دمهم  
وأنتي وأنا  
متبعترين وسط السكك  
أصل الديابة ف عصرنا  
مشتاقه لنواح الغم  
والصبر بيشل القدم  
أصل الحكاية إننا  
مستغنيين لأجل الديابة تنبسط  
ونهز ديل الطاعة لأجل ما ننول الرغيف  
أصل العفيف اللي زمان كان مننا  
ما فضلش منه غير ورق  
مليان نصايح بالجلد  
راح وانحرق  
لما طيور العش ماتت من زمن  
مفضلش غير كتكوت هزيل  
شابل جناحه اللي انكسر  
طاير ف وسط العتمة ليل  
مليان حمول منتتورة

---

يحلم بليل يطلع نهار العدل فيه  
يعدل موازين الزمن  
يرفع ستائر حزن حطت من زمن  
يفتح بيوت مليانه قوت  
لجموع ملقياش الكفن  
واللي أندفن من حق راح يرجع لنا  
والفرحة تفتح كل باب  
تمحي العذاب  
تمسح دموع الصبر  
من عين الزمن  
ويمد وسط المحنة طوق  
لإيدين غريق  
مليان شجن  
وعنيه على جبين الوطن  
لحظة غرق

---

## عشان خاطرك

عنادك يلى بتطول  
على قلبي ومش ناسي  
غيابك مهما هيطول  
علي عهدك أنا باقي  
ما أنا عارف مدى عشقك  
لأنا  
ما أنا الآتى  
وأنا الفاتح ودانائى  
لتنهيدك  
وتغريدك  
ف بستانى  
ما أنا زرعك . وأنا الجانى  
وف بعادك هتلقانى  
أنا ظلك . وبفتلك  
حبال الصبر من شوقى  
وأغنيك بطول ليك  
ما أنا حافظ مواويلك  
وأصبر نفسى من بعدك

---

على بعدك  
ما أنا وعدك مفيش بعدك  
حبيب غيرك يبكينى  
يفرحنى و يشجيني  
دانا بعدك بلا معنى  
ولو أحزاني توجعنا  
أنا وقلبي هنستنى  
هنتمنى  
ف لحظة تميل  
ويجمعنا سكون الليل  
وصمت الفكر والتأويل  
ما أنا بعدك  
بوجداني أنا فكرك  
وطول العمر ها فتترك  
ولو حتى هنتساني  
ولو ترضى تكون جاني  
على قلبي متفرقشى  
ما أنا ف بعدك  
أنا ف حبك  
رضيت بالموت  
عشان خاطرك .

## میت بطل

لعلم يا ليل الغربية  
أنهار الدموع  
وأوعى الخنوع  
يقطع طريقك للرجوع  
وان تاه دليل الصبر  
دور ع السكوت  
يمكن تفوت من أزمتك  
ياااااااااااا لعنتك  
يا وش ضارب ف الغلا  
من بين وشوش الخلق  
مخلوق للخداع  
عمرك ضياع  
صلبك ضعيف  
اصل السكوت ع الحق  
وسط الخلق زيف  
لو حتى طيف الصدق  
عدى ناحيتك

يهرب بعيد  
أو فيك يموت  
ويشد خيط العنكبوت  
على جنتك  
يا نبتة سودة  
ف أرض بور  
لجل الغرور  
ندفن قلوبنا في البرك  
ونعيش على كفوف الخيال  
أصل الحقيقة والمحال  
أصبح شعار للخبيثه  
والصعلكه والصهينه  
دول همه خمر المخدوعين  
والمزه حبة فهلوه  
وان توهنا يابا نروح لمين  
والعمر ضايح ف السنين  
حتى الحنين اللي ف قلوبنا من زمن .....  
أصبح تمن للمظهرة  
والنقوره ع الخلق  
ما سكه ف اللسان  
والضلمة واقفة ع الببيان  
بتشد نور الفجر من قلب النهار

---

حتى انتظار الصبح  
أصبح معضلة  
بتهز فينا للكلام  
ألفين طريق  
وتبان معالم ع الطريق  
أشلاء وطن متبعثره  
بتقول يا بكرة الصبح جاى  
حتى الجروح طول ما أنت حي  
ممكن تطيب ، ممكن تغيب  
عن شمس بكره  
يا أمه ضلمة الانكسار  
ويعود نهار العز  
بعد الانتظار  
وألقى السرهم يصحى  
ويطرح ميت بطل

---

## نبض حي

مهداه إلى روح الشاعر الكبير / عصام الدين بدوي

دم الشهيد بطل يقول  
ف المحنة أي  
رغم القيود .. رغم الحدود  
لجل الوجود بركانه حي  
حلمك يا شاعر بين عيني  
مين اللي قال إن الخلود  
من بين إيديك  
سايبك وجي  
قلّمك يا شاعر نبض حي  
لو يجي يوم نلقى الهموم  
وحدك يا شاعر ليك حصون  
من بين عيون الصخر مي  
ماسك سلاح الحق  
شاهد ع الزمن  
رافع شعار العدل  
عارف سكتك  
نورك دليل للناس  
وروحك شعلتك

---

لو حتى مات الكون  
هتفضل كلمتك  
نبراس ومنبر حكمتك  
وخلود هي فضل للزمن  
لو حتى مات الكون  
وناسه إتغيروا  
وحدك يا شاعر  
نبض حي  
قلبك يا شاعر  
ماله زى

---

## وطن مش ها يموت

( مفتح )

نفسى أودع ضلمة الليل بالنهار  
عايز اطفى دمة الخوف من زماني  
قبل ما أرجع بعد مشوار انتظار  
نفسى أشوف الخير معاود أرضى تانى

( وطن مش ها يموت )

يا عرض أصبح مستباح  
يا أرض ملهاش ف البراح  
يا نسمة تايهه  
خلف صيف الاغتراب  
مر السحاب ع الصخر مال  
يروى العطاشى للرجوع  
مليان دموع  
حزن الليالى السهرانين  
والمجروحين  
دايبين كلام

---

نازليين سلام ع العم سام  
ومعشمين ف وعود لنام  
وحمام سلام مرهون أسير  
ممنوع يطير  
وبعلو صوت المستجير  
نصرخ يا عالم لا إنهمام  
ياموزعين صور العرايا ع الوجوه  
ازاي اتوه  
وانا حلمي كان حضن الجليل  
ارض الخليل ، مسرى الرسول  
وازاي تقول ان السلام شرع اليهود !!!!!  
دول هم احفاد لقروء  
منتشرين زى الطاعون  
وان ليه اكون  
رغم السلاسل والسجون  
مكتوب اعيش  
جوايا نار مابتنطفيش  
يمكن عشان قبل اما اموت  
يلاقولي اسباب لخلود  
او يوهيوني للحياة  
واعيش ذليل  
مين اللي قال ان النخيل

ممکن یطاطی للعویل  
او طول لیالی الغدر هیکتف خطای  
او عاکی تتلقی ف عزای  
دانا مش هموت الا عشان  
فد عیون ولادی بتولد ضی النهار  
دا الاعتذار علی طول غیاب الفجر  
محتاج اعتذار  
رغم المرار والانتکسار  
بینادی صوت القتل من قلب الرماد  
یا قدس یلا وا قلعي توب الحداد  
یا سمانا یلا وارفعی علم البلاد  
داو طنا مشی هیموت سکوت  
داو طنا ناحت ف الزمن ملیون تابوت

\*\*\*\*\*

یا حلم سافر للسما  
یا صمت إصیح هممه  
أد عیلنا رب الکون یجمع شملنا  
ویعود لأرض العزة صوت  
دا وطننا ظاهر ع الزمن  
دا وطننا مش هیموت سکوت

## زفيرة ألم

عشمان تطول الشمس لكن للأسف  
لو يوم خيالك راح لفوق  
بعد السطوح بشويتين  
صرخة شاويش  
حتهد فيك حلم الوصول  
وتبات تقول يا أماية (تاهت) سكتك  
لحظة سكون الحلم زاحف يمتك  
هرب الكلام من ع السطور  
مفضلش غير حرف الالم  
يا أمايه مخلوق للخضوع  
ولا الخضوع مخلوق لنا  
أهه ألم  
بتشق صدر الكون سكون  
محتاج أنا لحظة رجوع  
للبر أحلم بيّا حر  
أصرخ أبوح بالسر .  
أتنفس أمر  
من فوق حبال (الصبر)  
ما يمتعني مر

---

مخلوق ضعيف  
بردان بيحلم بالدفاء  
عاجز لسان العين عن البوح بالحرام  
مخنوق بيتنفس زكام  
عايش على جدار الزمن  
زفرة ألم  
طاير على جناح (السكوت)  
حالف تفوت للضى  
ف عينيك إنتصار  
م اليوم تكون  
صاحب مصيرك ف الرجوع  
من أول المشوار  
ونتحدى الزمن

---

## شـهـيـد

لفين أهرب ؟ !  
وأنا مكتفنى إحساسى  
لا ببسبىنى  
ولا عارف يكون راسى  
على مرسى  
تموت أيامنا لو تنسى  
حكاوينا  
يطل الضى فى عينينا  
نغمض  
ينتحر فينا  
وأنا عارف  
ومش عارف !!  
أجيبها شمال  
أجيبها يمين  
أبدلها  
تبوظ الحسبة من تانى  
دانا المسجون ف وجدانى  
لا كنت جيان ولا عمرى  
هاكون إنسان بلا حاضر

ومستقبل  
(عبيط أهيل)  
يقولوا ذى ما يقولوا  
ما بيهمش  
ما يا ما قالو لى قوم إ عقل  
عقال النخوة فوق رأسك  
وأوعى ياواد تكون خائف  
ولو هاتخاف لا بد تخاف من إخوانك  
ما هى الضربة ...  
متوجعشى إلا من ضهرك  
تموت تهلك  
وهمه يطاطوا لا سيادهم  
ويرضوا يبيعوا زمتهم  
قصاد طعنك ف نخوتهم  
عبيد محتاجة للمالك  
تدوس تملك  
تبيع تملك  
مصايرهم  
وألف خسارة ع الشارى  
يبات واقف على الجبهه  
ما يلقي ايد  
ولا واحد يقوله بدالك أستشهد

---

ولو فكر  
يمدد طوله لو لحظة  
يقولوا خسيس وما يعرف  
يصون العرض  
تقوم الأرض تلعنهم  
تفكرهم بأحوالهم !  
توطى ..... تبوس على راسك  
وتتبسم  
تسوق البشرى ليك وحدك  
وتتخلد .....  
يَمُوت الموت !  
عشان خاطرك  
ما هو انت الواد اللي من ساعة  
مفجر نفسه ف الضفة

---

## بـ احلم

وكام مره  
أحاول فيها معرفشي  
ومقدرشي  
أغمض عيني لو لحظه  
عشان أحلم  
وأشوف حلمي بيتجاوب  
صدى صوتي  
يهز الحلم يتمنع  
ويتقطع نقط سوده  
يطير عقلي على حلمي  
اللي مش عايز يناديلي  
أقوم ..... أمشي  
أروح للحلم في داره  
وأخبط.....  
بابه ميردش .....  
أقوم وأرجع على داري  
ألقى الدار بقت ساحة  
ومليانه بناس تايهه  
وناس بالخوف, تسكتها

وناس مش رايدة سكتها  
جريت م الخوف  
وبدأرى.....  
لاقتنى ف وسط زحمتها  
وأنا ماشى.....  
معصب عيني وأتعث  
.....  
بقيت وحداني ف الساحة  
وشئ م الخوف  
مطمئني على روعي  
مشيت . ولحد متصادف  
وناس ماشيه  
بتتوضي بدمع العين  
سألت منين وفين رايعين  
محدث رد  
وقلت أرجع . دى سكتهم  
متنفعش لناس غيرهم  
وبتدير عشان أرجع  
لقت السكة مقفوله قصاد عيني  
حاولت أفتحها مقدرتش  
بكيت. والدمع غاسلنى  
لأقبت واحد واخد يدى

معدني .....  
جريت ع الحلم من تاني  
وشوفت الناس بتزاحم  
على الفرجه  
واتارى الحلم متمدد على السكة  
وبين لحظه و التانيه يدوب  
هيـــــــــــــــــــــوت

---

## أغنية الموت

مكتوب على ورقة كراسه  
بالنحوي الصرفي ومش مطبوط  
إنك هتموت  
ولو حتطاطي تبوس أقدام  
أو تبعك كل وسايط الكون  
لحد أعتاب الميكروفونات  
هتتموت . هتتموت  
متقولشي زمان كنا حبايب  
دا الصاحب مش دايماً صاحب  
وإن صاحب موتك منفعتي  
فلا بد تموت  
وإن عشت لا يمكن هسمحك  
تسحبني لمشوار الموت  
دا العمر تابوت  
وأنا حلمي براح ...  
وبـيوت  
مسكونه بهز الريح  
وبصوت مبجوح من كتر ما جرح  
فـيـك مطبوط  
علمني كلامك ساعة الشده

أشد لحافى وأقول ما يموت  
أنا مالى بواحد مش منى  
أو منى ومش عايز أموت  
أحسنلك دور على غيرى  
تتحامى ف ضله من الموت  
من يومى وأنا بعث ضميرى  
ومصيرى معلق بالقوت  
ومسيرك تعرف مشكلتى  
دا أنا دينى لأكبر نبوت  
لو اقفلك هيقولوا حرامى  
وارهابى وعليه الموت  
ياتطاطى ياتشقى مصيرك  
وتحضر كفنك بإيدىك  
ياتعاند وساعتها ياصاحبى  
مش ممكن تسلم م الموت  
وما تلقى ولا ارض تلمك  
ولا كفنك يسلم م الحوت  
أحسنلك دور على غيرى  
تتحامى ف ضله من الموت

---

## فرصة أخيرة

ها عترف لك . . .  
عقلي رافض حبي ليكي  
قلبي عاشق بس ليكي  
قالى عقلى انسي نارها  
دوب في نورها  
وأما تتعذب عشائها  
يبقى فكر  
ليه تخونك الابتسامة  
ليه تسامح  
ليه تفكر في السلامة  
وانت غرقان جوه عايم  
بحر نايم ..... بين عيونك  
زي ما الأيام تخونك  
حب واخدع  
بيع وضيع  
بكره ترجع تشتري .....  
بس بخسارة  
يامرارة  
لما تنتهد عشائك

---

دمعه جوه عيون حبايبك  
راح وسايبك  
حب مش مخلوق عشانك  
عمر ضايح من زمانك  
لو مكانك . . . .  
مش هاسلم بالخيانة  
عمري ما ارضى بالإهانة  
وأشقى غلى ف أي واحدة  
بيضا سمرا  
حلوة شقرا  
مش هاتفرق  
بس أخلص غلى وأنسى  
رد قلبي . . . .  
- أوعى تسمع  
حب وإرجع للبراءة  
تلقي كل الناس حبايبك .  
شوفتي حيرتي ؟  
لجلك أنتي احتار دليلي  
مرة أصدق نبض قلبي  
لما يتملك في عقلي  
مرة تانية العقل يغلب  
ريح بتقلب

---

يترسم حبك في قلبي  
دومات المحترين  
يتسمع لحنك ف صمتي  
دندنات المشتاقين  
هاشققك لو تعشقينني  
هاسمعك لو تندهيني  
بس لو فكر يجيني  
غدر قلبك  
هنتقمك  
من ايديا اللي اشتاقوك  
من عينيا اللي ارتاحوك  
حتى قلبي اللي احتواكي  
يومها يختارك نهايه

---

## تواريخ

العقل العربي الأيام دى  
مليان تواريخ  
تواريخ بتشد لفوق وتبات وتقوم  
على عتبة نجم الصباح الطالع فرداني  
وبغنى يا عقلي الوحيداني  
على نغم الخوف  
وبهز السيف المتلون  
على لوحة قزاز  
وبشد سروج الخيل العطشانة  
لوجع المهماز  
وبوطى وأبوس على يد أمى  
وبودع دمعتي ف عينيها  
تنده وتقولي قوام يا بنى  
على مدد الشوف الفجر أهو بان  
أمى.....  
أمى وكالعاده تودعني  
من يوم ما قدرت اشيل لى سلاح  
أمى وكالعاده متعرفشى  
راح أعاود ولا التمساح

---

حيضم نيابه على رقبتي  
وأموت مرتاح  
أمي المره دى متعرفشي  
إن أنا مش ناوى إن أنا أرجع  
ولكنى مشيت

خطبت .....  
والخوف (ورا ضهرى ولا أتهزيت  
ولانى على السكة مولف  
عديت ..... وبقيت

على موتى خلاص  
باقى كام خطوة  
فقريت على نفسى  
كام آية  
وأنا قبل ما أدوس  
ع الزر وأعيش  
بتشاهد ويعزم ما فيه  
رجعت تواريخي المنسيه  
من أول لحظة أتخلق الكون  
ولحد ما كنت أبين إمبراح  
أو كنت باشوف الحق  
ملوش رجلين ولا حتى لسان  
ما كتير الناس بتشوفنى جبان

---

وأنا بجري قصاد الدبابه  
دا حامينا ما هوش م اللي دبابه !!  
ويبيع ويخون  
ويهون على قلب أخواتي  
أكون متباع  
أو أكون مسجون  
بين قفصي الصدري  
وبين قلبي  
وبهمي أموت  
تصرخ تواريخ الكون فيه  
إتحرر .... إتفجر  
واو عاك تتغاوى  
قوم صب الملح على جرح  
أخواتك تتداوى  
هميت ..... ونويت  
على بركة بسم الله  
وضغطت الزر

## أنا وإبني

أنا وطنك  
ودي حكايتي  
ودول بالغصب سكاني  
بأمويت وأصحي على صوتك  
يواسيني .....  
سنين عمري  
اللى مش ماتوا  
ولا تاهوا  
لكن ضاعوا  
ف زحمة توهه وخدانى  
ويستنى .....  
ف لحظة خوف  
من الآتي  
تعود ليا  
ترجع روجي م التوهه  
وأشوف بعنيا نور تانى  
بيتعا في  
على الضلعة اللي شريانا  
وتكبر في سواد الليل

يا عود أخضر  
ويجمد عودك اللين  
تشد الفجر م العنمة  
وتجري تزوق الطرحه  
شموع فرحه  
تنور في ليالينا  
وتتمنى ..... وأتمنى  
ونستنى.....  
أنا وأنت .....  
نشوف الحلم يتحقق  
مفيش فايده  
لا حلم اليوم بيتحقق  
ولا إمبراح بيستنى  
ولا الدنيا بتدى العز للننايم  
ولا الواقف بيتفرج  
على عمري ..... على حالي  
يطول بالشكوى موالى  
وكل الخلق تستعجب على حالي  
ف قلبي عزة الدنيا  
وعزمي يهد أقوى جبال  
لكن عاجز ! !  
وأهلي بالكلام أهلي

---

ولا واحد يمد إيديه  
ويمسح دمعته فوق خدي  
ما طول عمري وأنا بدى  
كتير على أرضى عاش شهدا  
وباب الجنة من عندي  
ويوم ما قدرت تتجاوب  
نعى همي .....  
وجودك ف الحياة عندي  
وملحقتش تلوم نفسك  
على حبي .....  
على أرضى  
فرشت سنيك الخضرا  
وأغصاتك حمم بركان  
بيتطاي .....  
ويحصد في أعاديا  
وشوف يابنى  
حياتك أغلى ما عندي  
سلاحى الماحى لعدانا  
ما أنا أرضك  
ودى حكايتى  
ودول بالغصب سكانى

## لحظه لقا

ع الرمل فارد خطوته  
طاير ف أحضان السما  
باصص لفوق  
حالف طريق الصبر  
من يوم ما اتولد  
غازل دموع العين  
ف بستان الأمل  
طارح عتم  
طارح فراق  
نازف أمل  
عايش ف ساحة ناس  
بيطحنها الغنا  
تخبز ضنا  
تشرّب نقيع الصمت  
متحلى بأهات  
بالصمت ويا الليل تبات  
تصبح على دموع الأنا  
تعرف منى  
من صدر كل المجروحين  
تعرف تدوق المر؟ !

---

لو مرف سنين  
عارف أنا  
إنك لا يمكن تعشق الليل الطويل  
ويشوق صدر الكون عويل  
طالع على لسان السكات  
حتى الثبات ف المعمعة  
حالف بيات  
ولحد ما يطل النهار  
تعرف تغار؟!  
وانت وأنا  
نحضن سوا  
قمر السكات  
نسهر نبات  
نستنى نور  
فجر الطريق  
ببيل ريق المطحونين  
ظلم وشقا  
واقفين على طرف اللقا  
متشوقه  
عين اللي ما شاف الوفا  
لحظه صفا  
والطير يغرد يمتك

---

يقفل دقاتر غربتك  
يا نجم كان مالي السما  
يحلف مايرتاح غير هنا  
فوق التراب  
تحت التراب  
مش معضلة  
بس المهم ف أرضنا  
أرض الوطن

## يمكن أطيّر

واكمّنى واخذ ع البعاد  
رافض أعود  
رافض يكون الفجر  
ف عينيّك احتضار  
رافض يكون الصبر  
معناه إنهيار  
حالف لرجع ضحكك  
فوق شفتك  
ترجع غناوى الصبر  
والحب الوحيد  
جاء من جديد  
عارف طريق المحتاجين  
لحظة أمل  
إيه العمل ؟  
لو يوم لاقيت اليأس  
فارش سكتك  
والصبر ملهوش ف الحنين  
ح أرجع لمين !!؟  
وأزاي هكفن دمعتك بين الكفوف ؟  
وأنا لسه واخذ ع السكوت  
يمكن أموت

لو قلبى فارق سكتك  
حلم اللى شايف خطوتك  
مليانه خوف  
حالف يطوف  
ولحد ما يرفرف جناح الضى  
ف عيون السنين  
قلب اللى ممنوع م الحنين  
مشتاق يلين  
محتاج لنظرة معجزة  
يمكن إذا  
عدت عليهم خطوتك  
يعرف ينام القلب  
يحلم بالبراح  
دا الخوف سلاح  
وأنا قلبى من يوم ما أتولد  
وأخذ أجازة من الكفاح  
عايش بيحلم بس  
عايش بالمباح  
نفس المباح اللى إنحبس  
لما أن لمح أول لجام  
حتى السلام  
معناه تكون انسان ضعيف

---

ممنوع يباع خطوته  
بره المنام  
والخوف زكام  
واخذ عليه رمل البلد  
يمكن ولد  
يعرف ف ترجمة الكلام  
يرفع حسام العدل  
ملهوش ف اللجام  
يفرد معايا ضحكك  
والشمس تبعت يمتك  
مليون شراع  
من غير خداع  
يمكن أسافر  
ناحيك  
يمكن أظير

## قلبك حجر

الزيف والغدر  
الكره كله بمحتواه

كره الحياة ... كره البشر  
فيه سجن كل قلوب حجر  
فيه انفتاح القلب ع الدنيا القراز  
من أى لمسه بتتجرح  
فيه الفرح  
لو أى مخلوق إنكسر  
قلبك حجر؟!  
لا..... لا.....

مش حجر  
قلب الحجر ممكن يلين  
وأشمعنى وحدك مستهين  
بالناس والخير  
وبكل شارع ف الوطن  
أو شبر طين  
يمكن محدش يعرفك  
بس إنت عارف  
قد إيه كان التمن  
حفنة ورق ..  
م اللى أنت شايفه بنكنوت

---

واليوم يفوت ، ورا يوم يفوت  
والأرض بتشيل لعنتك  
زهرة شبابنا بتنقطف  
حتى اللعب .. توك البنات  
راح تنخطف  
ويعدى قول مليون سنه  
عمر الضمير ما هيرحمك  
ولا حتى يترحم عليك

---

## ساعات نحلم

ساعات بحلم وأنا صاحي  
أكون إنسان بلا ماضي  
أكون فاضي  
كما برد الشتاء لما  
بيجي ف زحمة التزهير  
أكون مشاوير  
راحوها الناس ولا رجعوش  
أكون مرووش  
لا حامل هم بيت واقع  
ولا عزوة بقت تناتيش  
ولو متجيش  
ف طلعة كل يوم شمس  
أقول ما تجيش  
وأسحب  
على صدر النخيل طالع  
أنادي الشمس  
تستعجب نجوم الليل  
تقول : هو الليل اديك تايه  
ساعات أحلم  
أمدد بالبصر واسرح  
وكل الناس ورا القضبان

---

بَتَّحَاكِي وَتَبَاكِي  
رَغِيف الْعِيشِ مَكْتَفِهِمْ  
مَكْمَمُهُمْ سَوَادِ اللَّيْلِ  
أَوْاسِيهِمْ وَأَصْبِرْهُمْ  
أَقُولُ اللَّيْلُ طَرِيقُ بَايِنِ  
بَنَارِ الْفَكْرِ بِيرَاجِعِ  
أَكِيدُ وَاجِعِ  
فَوَادِ الْغَدْرِ وَالْجَلَادِ  
سَكَاتِ النَّاسِ عَلَى التَّعْذِيبِ  
عَلَى إِمْبَارِحِ  
عَلَى بَكْرِهِ وَخَوْفِ الْغَيْبِ  
سَاعَاتِ يَحْلُمِ  
بَصِصِ الضَّى لَوْ يَشْرِقُ  
بِرَاعِمِ نَوْرِ  
وَبِيسَافِرِ كَمَا الرِّهْوَانِ  
يُرُوحُ لِبِلَادِ تَرْحَبُ بِهِ  
وَلَا تَقْفُلُ فَوْشَهُ بِيْبَانِ  
يَكُونُ إِنْسَانِ  
عَلَى حَسِّ التَّارِيخِ شَاهِدِ  
وَبِجَاهِدِ  
عَشَانِ بَكْرِهِ يَكُونُ أَحْسَنِ  
مِنْ إِمْبَارِحِ

ومش كالح  
بالون أيام ما تتسامح  
يكون فاتح  
ببيان القلب ع الآخر  
ساعات تحلم  
بلاد عاشت على التغريب  
تسافر جوه قلب الناس  
تكون إحساس  
على رمل الطريق تفرد  
حكاويها  
تلملم م الحروف كلمات  
ما تنقال اليومين دولا  
تهدهد ع الشجر أخضر  
على ضى النجوم تسهر  
تقوم الفجر تستغفر  
على كل اللي كان عدى  
ساعات ف ساعات  
ونستنى  
يكون الفجر ليه رنه  
ينام النوم وخلانه  
وانا سهران مع الأحلام

---

## أنا وأنتى وإحساسك

العزيز

أنا واحد  
زى كل الناس

ساعات أكنم صدى نوحى

وليل بوحى

كما سكة بلا آخر

أنا آخر

كلام يشبه ضمائرنا

يطير طيرنا

يحدد سقف أحلامك

وأيامك بلون العتمة

مش باين تلاقىها

والأقايها تصفصف كل أحبابك

ياميت صفصافة

والترعة تحادىها

أنا زيك

فؤادى زى عصفورة

ف ليلة ريح

تعديها تلاقى الضهر بيميل

بحمل ثقيل

وقلبك صورة مقلوبة

ومقلوبة على أمرك

---

وعمرک کله تنهیده  
وتغریده نسیناها  
والقاها  
دموع عینک  
بتزف زی بنیه  
بتشغی حمام  
يقوم وینام  
على حزنک  
صدی صوتی  
يقول موتی  
ف أحلامک  
وأوهامک سحاب عدی  
بلون اللیل  
ونبض النیل ف شریانی  
يقولک قومی من تانی  
أنا شاهد علی ذلك  
وهغفرک تمادیکی  
ف تجریح النجیل أخضر  
ومستکتر  
أشوف الناس مخصماکی  
وبتعدی وسیباکی  
تلفی ف نفس مشوارک

---

ومين شارك  
ف لحظة حب وياكى  
وينساكى  
يا كلمة لما تتحاكى  
يطل الضى ف عيونك  
وف ظنونك  
أمل سارح  
يكون خيرك من إمبراح  
لعشاقك  
ومشتاقك  
تكونى حنين  
وقلب يلين  
على صدرك  
أروح رايح  
ف تعسيلة  
ولو ليله  
أبات مرتاح  
ومش خايف  
يجينى ف عز تعسيلي  
ويحدفنى ف عتمة ليل ملوش آخر  
ويتأخر يوسعلى  
صهيل الخيل ف إحساسك

## إكتب

تعرف تكتب ؟!  
بتكلم جد  
لو تعرف  
إكتب كل الكون مسافات  
وإتصور كل العالم زى ما شايفه عنيك  
وتحاور ويا البحر  
ف قلب الطير  
أو طير  
أو بحلق جوه عيون الناس  
بشويش ..... هتعيش  
لو غصبن عنك  
جوه الكون هتعيش  
فتعالى يا صاحبي ندور ع الجايات  
وإن مات  
وإن مات الصبر ف قلب الناس  
نحييه  
نتواعد  
زى بلاد بتواعد كل الناس بالخوف  
لو تقدر  
إطلع من أو هامك  
من أحلامك إفتح باب للنور

وتعالى نغير كل ملامحك ف البراوير  
محتاجه الناس لإيدين بتمد الخير  
من غير ما تنزل تمن الرحمة  
على الفواتير  
مش سامع  
مش فاهم كل كلامي دايطلع إيه  
مش عارف بتكلم عن إيه  
يا خسارة  
وأنا فاكرك زى بقيت الناس  
بتحاول تمحي ذنوب العمر الفايث  
بتوصل كل الناس بالناس  
بالكلمة بتطلع توصل  
زى الخيط موصل  
وأتارينى بوهم حلمت  
إنك رح تملئ الأرض خضار  
وتعبي الصبح ف قلبى  
وتوصل بيّا ف ميت مشوار  
لو تكتب ... يبقى إكذب  
أو قول إنك مهدينا الجاي  
لو تعلن كل رسائل الكذب ع الابواب  
هتلاقى القاعد خلف مدار الكون  
إنسان

---

## إيه التمن

إيه التمن  
يا قلب مقتول من زمن  
يا قلب مدفون ف القلوب  
إياك تتوب  
وتعدى وسط النار  
من غير ما تتلفت  
الدنيا باعت طرحها ولقت  
عدت حدانا  
زيها زى اللي فاتوا من زمن  
تسرق عيون الليل  
وتتخبى  
وشايفها بره الكون  
بتتعاهد على دمي  
وأنا فاكّر إني ف حضنها  
إرتحت من همى  
محتاج أكون قد المدى  
ضل إهتدى  
يا مجدفين  
الشرق مش جاي من هناك  
رغم إن أنا  
مربوط على عتبك سنين

---

مكتوب على وشوش البنات  
روح من سكات  
وإرتاح بعيد عن قلبها  
رغم إنها  
متزينالك من زمن  
أوعاك تفكر في الرجوع  
دا القلب مش ممكن يجوع  
مع إنه عطشان للزمن  
إيه التمن  
وإزاي هترجع خطواتك  
وإزاي تعود الذاكرة  
يا قلب بركان من غضب  
مدبوح  
وتنزف دندنه  
مجروح وحاسس بيا أنا  
أنت كدا  
عمرك لغيرك مستباح  
قلبك ومولود ف الكفاح  
مستنى موتك يبقى عيد  
بالزمة دا راح يبقى عيد  
يوم ما ألتقيك مغمى عليك  
والأرض بتدور يمتك

---

مستنى قلبك ينتفض  
ينده بعلو الصوت عليك  
أوعاك تفارق  
إياك تسلم للسكات  
العمر إيه ؟؟؟  
غير كلمة حلوه وذكريات  
وودان تسلم نفسها للوشوشات  
الحب فات  
على غنوة وتبسم لها  
يا بختها  
بيك لما كانت مشتاقاك  
يا فرح مش مكتوب لها  
مع إنك إنت المؤتمن  
إيه التمن  
قلبك ومحتاج للساعات  
وانا قلبي معشوق السكات  
وان حد فينا مره مات  
التانى يدفع التمن  
لو كان صحيح لينا تمن

---

## قراءة فى ديوان لحظة غرق

للشاعر شعبان عبد العزيز

بقلم الأستاذ / سمير البحيرى  
يمتلك الشاعر الحس الوطنى والقومى الذى  
يجعله قادرا على حمل تجربة شعرية من خلال موهبة  
شعرية تحاول مس الجدار الشعرى الصلب ومن  
مفردات الواقع اليومى ومن الاحتكاك بالأحداث  
العامّة القومية .. ومن نسيج شعرى أقرب إلى  
الغنائية فى كثير

من الاحيان احيانا بلغة مباشرة بهدف توصيل  
رسالته إلى متلقى عادى يجد البساطة سبيلا إلى  
الدخول لعالم شعبان عبدالعزيز الشعرى وأحيانا  
أخرى تكون المباشرة عائق أمام طاقته الشعرية  
بسبب تعجل المخاض الشعرى فينتج ضعف فى البنية  
..بما يجعله مستهلكا لطاقته لا مستثمرا لها ..وعندما  
يحتمل المعاناه من شدة وطأة التجربة يصدر منه  
القصيد مكتملا فى الصور والايقاع واللغة الجيدة التى  
تطفو به فوق المحيط الشعرى .. بل وتجعل من تمرده  
على الواقع صوتا فى مقدوره إحداث تأثير فى  
الساحة الشعرية لدى المتلقى و الدارس لمنظومته  
الشعرية .. ومن خلال حالة من الصدق الشعورى

وإحتواء تجربة .. تسخر من الواقع العربى وضعفه  
وتحتكم إلى التراث الدينى والتاريخى ومن خلال  
التيمة الشعبية .. تجعلك تشعر كم هو عاشق لتراب  
الوطن متغنيا مفتخرا بمقدراته التى سادت كل الأمم..  
فهو فى قصيدة نادى السلاح .. يتغنى .. غناء  
الفرح بالنصر .. بصيغة الجمع فى :

( جايبين نحرر أرضنا ..م الذى بعهد الله غدر  
..نرفع مآذن فى السما ..نهتف نكبر بانتصار ..)  
ثم يستدعى الوطن فى جزء عزيز غالى ( ياسينا  
غنى وكبرى ..جايلك عريسك يفتخر ..والنصر جايبه  
شبكة ..أوحنتك ..دم الشهيد الذى إنتصر ) وهو  
يحاول التدوير فى الختام بقوله (نادى السلاح  
واسمع نداه .. دا معدشى ليل من غير قمر ..)  
استلهاما لبشائر النصر ..وكسر لظلمة الهزيمة  
والانكسار...

جاءت قصيدة الحب التانى ..ضعيفة فى مستواها  
..نتيجة لتعجله وعدم اختزان تجربته .. حتى يتحول  
من الاختزان الى الاختزال والتكيف

وهو فى قصيدة فات أوانك .. مازال تحت تأثير  
قصيدة الحب التانى ..غير ان صوته الشعرى يعلو  
..من جراء توجيه اللوم بسبب : (خونتى قلبى ..  
بالرخص ليه بعنى حبى ..) الى ان وصل إلى قراره  
فى .. ( واوعى تفتكرى إنى ح اندم ) وكذا .. ( كل  
شئ يربطنى بيكى ..حتى صورتك ..من خيالى ف يوم

هاشيلها .. وتحذيره (اوعى تيجى فى المنام  
.. هاتسى انام) .. غير انه سلم الى نهاية ضعيفة فى  
البنية .. ضعيفة فى التأثير ...  
فى قصيدة " هجرة " ظهرت قدرته الشعرية من  
براعة الاستهلال الى التصادم بالتساؤل : فى (واحنا  
منها ليه بعيد) .. فهو يوحد تجربته مع " ترجمات

فيكم ما لانه تمسكت به الى تمسكها بمطال

المطال ثم كاشف الواقع فى مواجهته (يوم ما كان  
للأمة كلمة .. أقوى من صلب الحديد) .. الى اخر (عقبه  
فين يا بن الوليد) ثم يعقب (والانمة الراشدين ولا  
عثمان الشهيد) .. الى وقوفه مع من يرضى بشرع  
ربه فى (اللى يرضى بشرع ربه .. يبقى ناصر  
للعبيد) .. ولانه نزاع الى التمسك بالقيم فهو صريح  
فى (والتمسك بالامانة .. يبقى ملجأنا الوحيد) .. فهو  
يعترض بان ذكر السلام المنشود الذى هو (مش  
سلام البلطجية) .. ثم هو يدخل الى السخرية (قالوا  
اسلو .. قلنا يمكن .. يرجع الاقصى الشهيد) .. لكنه  
يعلم كما هو معروف .. (بس صنعتهم أمانى) .. ثم  
يكرر الامل فى :

( قلنا شرم الشيخ وقالوا .. بس نرجع من جديد .. )  
والشاعر يبرع فى تصوير الواقع المخادع بشكل

مرنى ..حتى يصل الى التنبيه والتحذير فى ( ارضنا  
هاتضيع حياته ) وحسه الجميل يرفع شعار الصحوة  
حتى وان كانت (قاموا اطفال الحجارة صحوا  
احساسنا البليد )..ثم يصل الى الختام محاولا التدوير  
فى . (تبقى ذكرى الهجرة لنا ..ضى عمر شموع  
تقيد نور فى وسط العتمة يسطع .. بشرى حلوه بعام  
سعيد )...فالشاعر فى خطابه مع القضايا القومية ..  
اقوى منه فى قصائد الذات .. زهدا دليل على تفوق  
الحس الوطنى .. فيتفوق صدقه الفنى  
فى قصيدة "معانى الصحبة " نهج الموالم فى  
البداية . عرض مغتصب . ومباشرة على الرغم من  
فاتورة بيع الوطن الصورية الخالية من الثمن بل  
والاكثر من ذلك . فقد يكون على سبيل الاهداء  
ويتحقق هذا البيع الاكثر . بموت الحق وعدم وجود  
الضمانر فهى فى المنفى ولا مل فى عودتها .. وكذا  
الظلم . وهو يعرض بشكل تجرىدى . وكأن القصيدة  
مكملة لقصيدة " انصف من الصينى "  
فى قصيدة "كديبة "خاطب الشاعر .. القيم  
المعنوية بتحويلها الى اجناس يمكن الحوار معها .ز  
وهو فعل هروبى .. وفى نفس الوقت تهكمى .. ينوه  
فيه عن حياتنا التى يضع الكذب بصماته على كل  
شئ فيها .. وهى على مرور الوقت كما يقول هو  
(..كل لحظة بتخدعنى) .. وهوأمين عليها فى حفظه  
لها فى .. (كنت شايلك جوه عينى ).. وبرع ايضا فى

خطابه معها رغم معرفته أنها كدبه فى .. (فين يا كدبه  
كل كلمة قولتيهاالى) .. وجفوتها له فى .. (فين  
حنينك) . الى ان يصل الى .. (كلمة ملهاش اى معنى)  
.. ويقرر .. (يعنى ضعنا) .. والعلاقة بينهما تسير فى  
طريق مظلم بلا معالم .. الى درجة انهما .. (كنا  
بنخاف من صباحنا ) .. ثم .. (يجى يوم يطلع علينا  
يقتل الفرحة ف عينينا) .. وفى اشارة الى كارثة  
العبارة وان كانت القصيدة سابقة على الحادثة يقول  
.. (ونلاقينا وسط موج يعلى علينا . تتسرق منا  
السفينة) .. وان كان الشاعر فى هذا السياق يقصد  
ضياع الوطن الذى تسير فيه سفينة حياتنا وهو  
شريك رغم صيغة الجمع فإن الذات طرف بديل  
.. (والدموع من قلبى تنزف) .. الى ان تصبح الحالة  
متجهة الى وجود علاقة للذات مع الـ هى فى ..  
(وانتهى كل اللي بينا) فهو سوف يذكر لحظة اللقاء  
الاول فى .. (حتى لحظة ما اتقابلنا هاتسهالك  
وارميهاك جوه بير من ذكرياتك) .. وهو قد برع فى  
.. (أه يا كدبة لو تيجينى مرة ثانية هاقفل الابواب  
فى وشك) .. لانه يستخدم نفس سلاحها وبشكل اكثر  
قوة فى .. (او هاغشك وابتسمك . واعمل الولهان  
بامرك) .. الى ان يصل قرار الدراكه لها من البداية ..  
(او عى تيجى مرة ثانية . او عنيه تشوف فى ثانية  
طيفك انتى . ده انتى كدبة )

مرنى ..حتى يصل الى التنبيه والتحذير فى ( ارضنا  
هاتضيع خياته ) وحسه الجميل يرفع شعار الصحوة  
حتى وان كانت (قاموا اطفال الحجارة صحوا  
احساسنا البليد ).ثم يصل الى الختام محاولا التدوير  
فى . (تبقى ذكرى الهجرة لنا ..ضى عمر شموع  
تفيد نور فى وسط العتمة يسطع .. بشرى حلوه بعام  
سعيد )..فالشاعر فى خطابه مع القضايا القومية ..  
اقوى منه فى قصائد الذات .. زهذا دليل على تفوق  
الحس الوطنى .. فيتفوق صدقه الفنى

فى قصيدة "معانى الصحبة " نهج الموالم فى  
البداية . عرض مقتضب . ومباشرة على الرغم من  
فاتورة بيع الوطن السورية الخالية من الثمن بل  
والاكثر من ذلك . فقد يكون على سبيل الاهداء  
ويتحقق هذا البيع الاكثر . بموت الحق وعدم وجود  
الضمانر فهى فى المنفى ولا مل فى عودتها .. وكذا  
الظلم . وهو يعرض بشكل تجريدى . وكان القصيدة  
مكملة لقصيدة " انصف من الصينى "

فى قصيدة "كذبة "خاطب الشاعر .. القيم  
المعنوية بتحويلها الى اجناس يمكن الحوار معها .ز  
وهو فعل هروبى .. وفى نفس الوقت تهكمى .. ينوه  
فيه عن حياتنا التى يضع الكذب بصماته على كل  
شئ فيها .. وهى على مرور الوقت كما يقول هو  
(..كل لحظة بتخدعنى) .. وهوامين عليها فى حفظه  
لها فى .. (كنت شايلك جوه عينى ).. وبرع ايضا فى

خطابه معها رغم معرفته أنها كدبه فى .. (فين يا كدبه  
كل كلمة قولتيهاالى) .. وجفوتها له فى .. (فين  
حنينك) . الى ان يصل الى .. (كلمة ملهاش اى معنى)  
.. ويقرر .. (يعنى ضعنا) .. والعلاقة بينهما تسير فى  
طريق مظلم بلا معالم .. الى درجة انهما .. (كنا  
بنخاف من صباحنا ) .. ثم .. (يجى يوم يطلع علينا  
يقتل الفرحة ف عينينا) .. وفى اشارة الى كارثة  
العبرة وان كانت القصيدة سابقة على الحادثة يقول  
.. (ونلاقينا وسط موج يعلى علينا . تتسرق منا  
السفينة) .. وان كان الشاعر فى هذا السياق يقصد  
ضياح الوطن الذى تسير فيه سفينة حياتنا وهو  
شريك رغم صيغة الجمع فبان الذات طرف بديل  
.. (والدموع من قلبى تنزف) .. الى ان تصبح الحالة  
متجهة الى وجود علاقة للذات مع الـ هي فى ..  
(وانتهى كل اللي بينا) فهو سوف ينكر لحظة اللقاء  
الاول فى .. (حتى لحظة ما اتقابلنا هانسهاك  
وارميهاك جوه بير من ذكرياتك) .. وهو قد برع فى  
.. (أه يا كدبة لو تيجينى مرة ثانية هاقفل الابواب  
فى وشك) .. لانه يستخدم نفس سلاحها وبشكل اكثر  
قوة فى .. (او هاغشك وابتسملك . واعمل الولهان  
بامرك) .. الى ان يصل قرار ادراكه لها من البداية ..  
(او عى تيجى مرة ثانية . او عنيه تشوف فى ثانية  
طيفك انتى . ده انتى كدبة )

الصبر . وطول العمر والفرح والحزن متقسم ولكن  
معامل القسمة يكون خارجه . ان القسمة مش عدلة .  
اى معوجة وهو يقصد غير عادلة والقصيدة تؤكد  
الموهبة كما نرى بالقصيدة لوحات فنية مرنية جميلة  
فى قصيدة "للصمت صوت " منحى فلسفى  
بصورة بصرية جميلة فى .. (من وسط العتمة بينده  
الف دليل ع الصبح التايه بين الليل والدهر) .. ولكن  
الصوت الضعيف فى نفس الاتجاه الذى يؤكد عليه  
الشاعر وهو غلبة صوت الظلم على صوت العدل حتى  
انه يرى (العدل كلمة نزين بيها سطور الرأى) اشارة  
الى تسكين ومخدر وهو فى وطن الغربة . اى انه  
غريب فى وطنه الذى تمتلكه فنة ظالمة قاهرة ساحقة  
لكل الحقوق والقصيدة تؤكد تحريض الشاعر على  
رفع الظلم وعدم التصيق لما يقال على صفحات  
الصحف وهنا يظهر دور الشعر والشاعر فى عدم  
السكوت والتمرد على ما يحدث . بما يؤكد ان روح  
الشاعر دائما وهاجة . بعدم الرضوخ لكل ما يحدث بل  
وتحت على كسر الظلمة وانبلج صبح جديد . يعيد  
بناء العدل المتوازن وكأن الصمت هنا هو النار التى  
تشع من تحت الرماد لتغيير الواقع وهو يصرخ ..  
(فين راح اكون لما الارض ياخذها اتون او مجنون  
).. وهو يقصد اليهود . بدعوى انها ارض اجداده  
.. وهذا واضح من .. (عايز يزرع فيها الهيكل) .. ليحكم  
منها العالم . ثم يسخر الشاعر بصورة تهكمية فى ..

(زى اخوانى الدين واستنكر).. وهذا الموقف يكمله فى  
(.. واشجب كل محاولة قهر). ثم يقف مع القضية  
الفلسطينية بالدعاء فى .. (وادعى المولى يا رب  
ادبهم طول العمر حجارة فى ايديهم).. رغبة فى ..  
(لجل نحرر مسرى الهادى).. متمنيا عودة صلاح  
الدين. رمزا لرجوع ارض بلاده الضائعة وهو موقف  
واضح من ضعف الحكام العرب بطول الصمت على ما  
يحدث.

قصيدة الديوان "لحظة غرق" وفيها يتوج  
الشاعر ديوانه بارتفاع تنامى الخط الهرمى الذى  
يسير فيه الشاعر شعبان عبدالعزيز بهذه اللامبالاه  
الشعرية الخميطة كبدية غى براعة الاستهلال (..لما  
تتوه العتمة فى نصاص الليالى السود).. وكما يراها  
هو. بل وهو تاركاً نفسه فى .. (وأتوه).. ويتوه معه  
قدم كان قد بدأ المسير فى الخطى الاولى .. (وسط  
الطريق السرمدى).. يتم معه نوالى الانفلات الشعرى  
إلى أن يصل إلى .. (متبعثرين زى السراب فى طريق  
خراب حتى الرجوع المحتمل مل الامل).. والقضية  
لديه قضية الشباب .. (لادين شباب تحضن فى ليل  
العتمة سرداب الرجوع وسط الجموع اللى إندفن  
...أصل التمن من دمهم ....) ولهذا فإن الشاعر بلغ  
ذروة الجمال والصدق الفنى والشعورى وبلغ حد  
البلاغة بالتشكيل بالصورة الكلية على نفس الغرض  
والقصد. الذى ينهل منه فيضه الشعرى ويؤكد عليه

فى هذا الهرم المتدرج للهم العام وقضايا الواقع  
وازمته والذى من تأثيره يتولد القهر .الذى يدفعه  
نحو التمرد الشعري .ليس فقط بالتنبيه عن المسكوت  
عنه بل بالمشاركة والتحريض للجموع لمحاولة تغيير  
هذه المأساة التى يعيشها الانسان فى كل مكان إنطلاقا  
من مصر ومرورا إلى وطن جريح .لم يسمه بأسمه .  
ولهذا فإنه يشير اليه بالارض حتى يتعمم القهر  
والظلم فى كل مكان .وهدفه تدمير الانسان المطلق -  
فهو فى .. (وانتى وانا متبعترين وسط السكك ) ..  
يشير الى الديابه فى هذا العصر..(مشتاقه لنواح الغم)  
.. فهو مازال يحتذى خلف الصبر .لتحقيق الصمود  
.ساخرا من حالنا فى المواجهه بقوله ..(مستغنين  
لاجل الديابه تنبسط )..بل ..(..ونهز ديل الطاعة )..  
خوفا من ضياع الرغيف . المتمثل غى المعونه  
الامريكيه .او جعلنا سوقا مستهلكة لحضارة الغرب  
.وتتوالى الصور الجمالية .التى تهين الواقع  
بالسكوت عليه وهو رفض جاد .ورغبة من دور  
الشاعر فى التأثير على الواقع وتغييره الى الافضل  
..والقصيدة اجمل قصائد الديوان من بدايتها الى  
نهايتها تؤكد شاعريته  
فى قصيدة عشان خاطرك " الصورة الجميلة  
الكلية المكتملة والتى تبدأ من ..(ما انا عارف مدى  
عشقك لأناتى .ما انا الآتى .وانا الفاتح وداناتى  
لتنهيدك وتغريدك ف بستانى ) .. وهى تظهر مدى

قدرة الشاعر على امتلاك شاعرية تستدرج الجمال  
الى بستانه الشعري في قصيدة تكاد تكون في مجملها  
غنائية. في نهاية يرضى فيها بالموت. كى يحق له  
العنوان "عشان خاطرك"

في قصيدة "ميت بطل" يصحو الامل في نهاية  
القصيدة. بان يجعل من رحم الوطن بقطة بعد اغفاء  
كى يلد ميت بطل. ولكنه يستخدم .. يطرح .. على  
سبيل التعانق مع شجرة الحياة وجسد الوطن في  
تعانق للامل مع الطبيعة وعلى الرغم من كثرة وجود  
صيغ كاملة للمباشرة غير الفنية منها على سبيل  
المثال .. (أصل الحقيقة والمحال أصبح شعار للخبيثة  
والصلعة والصهينة ..)

في قصيدة "وطن مش هيموت" المفتتح تقليدى  
غير معبأ وجدانيا والقصيدة بدايتها من .. (يا نسمة  
تايهة). لانها البداية التى تحمل الهم الوجدانى الذى  
يحمل وطننا فى الوجدان ويبدأ الانطلاق الشعري  
الجمالى فى .. (مين اللى قال ان النخيل ممكن يطايطي  
للعويل). الى نهاية المقطع كله الى النهاية الدافعة  
الى الامل والتى مازالت تتمسك بالفخر والاعتزاز  
قصيدة "زفرة الم" من القصائد الجميلة شعريا  
لما فيها من التحام بالصورة الشعرية. وصدق فى  
العاطفة وشاعرية الحالة

قصيدة "شهيد" حوارية جميلة. نابغة من هم  
خاص وحالة مفعمة ومرتبطة بالواقع. وبخاصة

الصورة البكرية الجميلة فى ..(تقوم الارض تلعنهم  
تفكرهم باحوالهم .توطى تبوس على راسك ).. كما  
ان النهاية جميلة . وتبرز شاعرية فياضة ملحمة مع  
الوطن

قصيدة باحلم " صورة جميلة ..( صدى صوتى  
يهز الحلم يتمنع . ويتقطع نقط سودة .). مؤدية الى  
الحركة والتشكيل البصرى الجمالى .من مكاشفة  
للروية . ويكاد الوجدان يميل نحو ..( لقيت السكة  
مقفولة قصاد عيني) .. التى تنبئ بالنهاية الجميلة ..  
(واتارى الحلم متمد على السكة .وبين اللحظة  
والثانية يدوب هيموت .. )

قصيدة "أغنية الموت " ليست على مستوى  
القصائد السابقة ولا فى مستواها التشكيلى  
قصيدة " فرصة أخيرة " تكاد تكون أغنية .  
ينتهى المذهب عند ..( بحر نايم بين عيونك ).. ويبدأ  
المقطع التالى من .. (زى ما الايام تخونك ).. ولانها  
قصيدة من وجع الذات وازمة الحالة فقد جاءت فى  
مجملها صادقة ومعبرة عن ازمة الواقع الفاصم لكل  
العلاقات الانسانية التى قد تصل الى الخيانة .وقد بلغ  
حد الجمال فى ..(يتسمع لحنك فى صمتى .دندنات  
المشتاقين ..) الى بلوغ النهاية الشاعرية الجميلة .  
فى قصيدة "تواريخ" بدايتها مجسدة ومؤنسنة  
(.. العقل العربى الايام دى مليان تواريخ ).. وهو  
تشخيص موحى بالدلالات المتواترة بعدها .وبخاصة

فى الدىالوج مع الام .التى هى الوطن .أو شبه الوطن  
. وبلغ الجمال فـ. ( فقريت على نفسى كام آية )..وهى  
من القصائد الجميلة فى الديوان .والنهاية موفقة  
فى قصيدة "أنا وابنى " جمالها فى .. ( يا عود  
أخضر .ويجمد عودك اللين .تشد الفجر م العتمة )..  
والجميل أيضا .(..ولا الدنيا بتدى العز للنائم ).. وتنبنى  
عن شاعر تحريضى لانه أكمل الصورة فى ..(..ولا  
الواقف بيتفرج ).. وأيضاً فى (ما طول عمرى وأنا  
بدى .... فرشت سنينك الخضرا واغصانك حمم  
بركان) ..والنهاية .. (وشوف يا ابنى حياتك اغلى ما  
عندى )..الىنهايتها

قصيدة "لحظة لقا" أجملها فى .(..عارف انا إنك  
لا يمكن تعشق الليل الطويل )..وزمن اللقاء متجسد  
فى ..(..ولحد ما يطل النهار .تعرف تغار .وانت وأنا  
نحضن سوا قمر السكات .نسهـر نيات نستنى نور  
فجر الطريق .بيبل ريق المطحونين )..وهم الفنة التى  
ينتمى اليها الشاعر .

قصيدة "يمكن أطير " براعة الاستهلال  
(..واكمنى واخذ ع البعاد رافض اعود )..فالبداية  
تمرد كلى .لانه ..(ايه العمل لو يوم لقيت اليأس  
فارش سكتك .... ولحد ما يرفرف جناح الضى فى  
عيون السنين )وبلغ الجمال فى ..( الخوف سلاح وأنا  
قلبى من يوم ما اتولد واخذ إجازة من الكفاح )ثم  
يعود الامل فى النهاية ..(والشمس تبعت يمتك مليون

شراع من غير خداع يمكن اسافر ناحيتك .يمكن  
اطير ..) فتكتمل دائرية القصيدة بالامل  
في قصيدة "قلبك حجر " البداية .صورة كلية  
جميلة تبدأ بالزيف والغدر وتنتهى  
بالرفض ..بـ لا.. بل اكثر من الحجر لان الحجر  
(..قلب الحجر ممكن يلين .....والارض بتشيل  
لعنتك ..زهرة شبابنا بتتقطف .حتى اللعب .توك البنات  
راح تتخطف .)ومن الشعور بالظلم .دانما نلجأ الى  
الضمير .اما حاكما او محكوما عليه ولكنه يقول  
(..عمر الضمير ما هيرحمك .ولا حتى يترحم عليك .)  
وهذه هي صورة ظلم الواقع وتجسيده.  
في قصيدة "ساعات نحلم "دانما يولد الشاعر  
من منطقة الحلم .لانه يرى .(وكل الناس ورا  
القضبان بتتحاكى وتتباكى .رغيف العيش مكتفهم ..)  
وهى ذروة العجز التى يدفع ثمنها المواطن .ولا يقو  
على التغيير للواقع .وهو يرى أننا فى أوطاننا (..بلاد  
عاشت على التغريب )..ومن الذات فى (..ساعات  
بأحلم .)فى بداية القصيدة الى بلوغ النهاية .بـ نا  
الفاعلين فى ..(ونسنتى يكون الفجر ليه رنة ينام  
النوم وخلانه )..ولكنه سهران مع الأحلام .وهى  
مفارقة يولدها طول الأمل ولو فى الحلم  
فى قصيدة "أنا وأنتى وأحاساسك "لا يختلف  
الشاعر عن كل الناس فى إنسانيته ولكنه يتوحد مع  
المحبوبة بشكل تصويرى صريح فى (أنا زيك

فؤادى زى عصفورة فى ليلة ريح تعديها تلاقى  
الضهر بيميل بحمل ثقيل ).. وهذه هى قسوة طغيان  
الأحاساس .لأنه يرى قلبها فى..(و قلبك صورة مقلوبة  
ومقلوبة على أمرك .).ولا أمل فى التغيير لأنها .....  
(وعمر كلة تنهيدة .).وهو القائل..(ونبض النيل فى  
شريانى يقولك قومي من تانى .وهفرك تماديكى )..  
فهو فى مصريته يراها .).يا كلمة لما تتحاكى يطل  
الضى فى عيونك وفى ظنونك أمل سارح .).فهو يرى  
فى أحساسها .).صهيل الخيل فى إحساسك .).فهو  
يتوحد معها لأن الشاعر هو الفارس

فى قصيدة " إكتب " فعل أمر .موجه الى الذات  
ربما فى الكتابة رفع المعاناه أو التسجيل التاريخى  
للواقع أو رغبة فى ..(وتعالى نغير كل ملامحك فى  
البراويز..). والصورة البكرية الجميلة فى .).من غير  
ما تنزل تمن الرحمة على الفواتير .).وهى تمن مؤلم  
يدفعا المواطن بلا رحمة .ورغم جمال .).أو قول إنك  
مهدينا الجأى .....لو تعلن كل رسايل الكذب على  
الأبواب ..) فإن المنتظر دائما للفرج فى هذا الوطن  
هو إنسان دفع كل الضرائب الباهظة .ويتمنى العيش  
كقيمة إنسانية .

يختم الشاعر ديوانه ويختم قصائده بقصيدة "ايه  
التمن " فى صورة تساؤل موجه الى من يهمه الأمر  
.وكان الأمر لا يهم أحد .لإتساع الهوة بين طبقتين .

---

صدر من هذه السلسلة

- ١ - قلبي بينزف عشق للشاعر ابراهيم مصطفى
- ٢ - نغم أخير للشاعر السيد زكريا
- ٣ - لحظة غرق للشاعر شعبان عبد العزيز

العدد القادم

امرأة ضد التيار شعر انجي جلال

م	القصيدة	الصفحة
٢٠	أغنية الموت	٥٠
٢١	فرصة أخيرة	٥٢
٢٢	تواريخ	٥٥
٢٣	ان وابني	٥٨
٢٤	لحظة لقاء	٦١
٢٥	يمكن اطيير	٦٤
٢٦	قلبك حجر	٦٧
٢٧	ساعات نحلم	٦٩
٢٨	انا وانتى واحساسك	٧٢
٢٩	اكتب	٧٥
٣٠	ايه التمن	٧٧
٣١	الدراسة	٨٠
٣٢	المحتوى	٩٦



للتواصل مع الشاعر

تليفون ٠٥٥٣٩٤٧٠٩٧ بريد الكترونى sokrut\_٧٩٧@yahoo.com

شعبان عبد العزيز

٩٣  
٩٦

لحظة غرق

م	القصيدة	الصفحة
٢٠	أغنية الموت	٥٠
٢١	فرصة أخيرة	٥٢
٢٢	تواريخ	٥٥
٢٣	ان وابني	٥٨
٢٤	لحظة لقا	٦١
٢٥	يمكن اطيير	٦٤
٢٦	قلبك حجر	٦٧
٢٧	ساعات نحلم	٦٩
٢٨	انا وانتى واحساسك	٧٢
٢٩	اكتب	٧٥
٣٠	ايه التمن	٧٧
٣١	الدراسة	٨٠
٣٢	المحتوى	٩٦



للتواصل مع الشاعر

تليفون ٠٥٥٣٩٤٧٠٩٧ بريد الكترونى sokrut\_٧٩٧@yahoo.com

---

صدر من هذه السلسلة

- ١ - قلبى بينزف عشق للشاعر ابراهيم مصطفى
- ٢ - نغم أخير للشاعر السيد زكريا
- ٣ - لحظة غرق للشاعر شعبان عبد العزيز

العدد القادم

امرأة ضد التيار شعر انجى جلال

شركة عالم العرب

١٥٢ ٦٥ ٧٧ ٩ / -  
١٧ ٦١ ١٢ ٥٧ ٩ / -

رقم الايداع بدار الكتب  
٢٠٠٦ / ٣٩٠١

I.S.B.N. الترقيم الدولي  
٩٧٧ - ٣٧٤ - ١٥٧ ٥

(الموت - لعممة - ليل - ليل)

(السر - الفخر - الكوثر)

(الرضوخ) - السباي

دار الاسلام للطباعة والنشر  
٠١٢٢٢٦١٤٣٦٣ ٠٥٠٢٢٦٦٢٢٠

(المنام - الهم - الخوف)

الاقتضا -

